

آبونه شرائطی : هریر
ایچون سنه لکی (۲۷۵)
آلتی آیلنی (۱۵۰)
غروشدور .

نسخه سی ۵ غروشدور
سنه لکی ۵۲ نسخه در .
اداره خانه آنقرمده حریت
اوتلی قارشوسنده کی
سوقاقده

اخطارات
آبونه بدلی پشیندر .
مسلكه موافق آثار مع المنویه
قبول اولتور . درج ایدله یین
یازیلر اعاده اولتماز

والله یردی من یشاء الی صراط مستقیم

باش محرر
محمد عاکف

صاحب و مدیر
اشرف ادیب

سنگین کمال

۱۳۳۰

ادرس تبدیلنده ایریجه
۵ غروش کوندرملیدر

مکتوبلرک امضالری واضح
واوقوناقلی اولاسی و آبونه
صره نومروسنی محتوی
بولنسی لازمدر

ممالک اجنبیه ایچون آبونه
اولانلرک آدرس لرینک
فرانسیزجه یازلمنی
رجا اولتور

پاره کوندردیکی زمان نهیه
دائر اولدیغی بیلدراسی
رجا اولتور

انبجون اهدکم سبیل الرشاد

مکتبلرده دین درسلی و فرانسهزجه تحصیل

— معارف وکیل محترمی بک افندی به —

شیمدیلک نظر دفته چاربان بعض نقطه‌لری عرض ایتمکه اکتفا ایدیورم :

بر کره ابتدائی مکتبلرک ایلک سنه‌سند نه قرآن کریم درسی کورونیور، نه‌ده دین درسلی. واقعا چوجقلرک سویه‌سنی نظر دفته آلمق ضروریدر. فقط دینی حسلر حقنده چوجقلرک سویه‌سنه کوره بعض شیلر سویلک ممکندر. دیگر درسبلرده تعقیب اولونان یکی یکی اصوللرله دینی موضوعلر حقنده چوجقلرله کوزل کوزل مصاحبه‌لر یاپیله‌بیلیر. صوکره قرآن کریمدن بر قاچ سوره اولسون بلله‌تدیریه. بیلیر. ذاتاً بو صنفه کلن چوجق احتیاطده بر آزاوقومه‌یی اوکره‌نیور. احتیاط صنفده الفبایی، بر پارچه اوقومه‌یی اوکره‌نمین چوجقلری هیچ بر معلم برنجی صنفه قبول ایتیور. بناء علیه بو برنجی صنف حقیقته ایکنجی صنف دیمکدر. نته‌کیم اسکی بکنمدیکمز معارفده بیلر بو صنفده اوچ ساعت اجزای شریفه، اوچ ساعت ده دین درسلی کوستریلیوردی.

صوکره ایکنجی صنفده دیگر بعض درسبلر دردر، بشر، آلتیشر ساعت تخصیص اولوندینی حالده قرآن کریمه ایکی ساعت تخصیص اولونمش. کذلک علوم دینی‌یه‌ده ایکی ساعت آیریش. معلوم عالی‌لیکزر شیمدی قدر ابتدائی مکتبلرنده دین درسبلرینه تخصیص اولونان ساعتلرک مقداری آلتی دن آشاغی دکلدی. یعنی هر کون دین درسی، قرآن کریم اکیسک دکلدی. معلوم عالی‌لیکزرده چوجقلرک عقائد تمللری ابتداییلرده آتیلیر. بوتعل نه قدر قوتلی اولورسه چوجق ایلریده او قدر هیئت اجتماعیه‌سنه منسوب قالیر؛ او درجه کندی ملیته صداقت کوسترر؛ ضلالتلره دوشمنکدن نفسنی وقایه ایدر. چوجق هیئت اجتماعیه آره‌سند نافع بر عضو آوله‌بیلیمک ایچون مطلقاً اونک قلینده بر ضابطه معنویه تأسیس ایتک لازمدر. چوجقه همان هر کون ایلک و فضیلت حسلری تلقین اولونمق ایجاب ایدر. دین درسلی مصاحبه طرزنده حکایه‌لرله چوجقه تلقین اولونمالی. معلوم عالی‌لیکزرده هر هفته قرق بش دقیقه دن بر بچق ساعت قطعاً کافی دکلدر. هر کون هر صباح برنجی درس اولمق اوزره مطلقاً مصاحبه دینی اولمی، چوجقه بر آزده قرآن کریم اوقوتلیدر. زیرا بو کون سلطانیلرده بولونان افندیلر بیلر قرآن کریمی درست اوقویه‌مایورلر. و دینی حسلری ده بک کوشکدر. چونکه تمیل قوتلی دکلدر.

بکن کون یومی غنیه‌لرده منظور عاجزانم اولدی : معلمین قونفره‌سند ابتدائی مکتبلری پروغرامنک مناقشه‌سی صیره‌سند دین درسبلرینه تخصیص اولونان ساعتلرک بک آزاولدیغنه‌داثر بعض مرخصلر طرفدن اعتراض اولونمش، غنیه‌ده یازیلان درس ساعتلرینه بنده‌کزده کوزله‌کزدیردم. حقیقه دین درسبلرینه، قرآن کریمه تخصیص اولونان ساعتلری بک آز بولدم. برنجی صنفده ایسه نه قرآن کریم، نه‌ده علوم دینی درسی هیچ کوره‌مدم. حال بوکه بز ذات عالی‌لیکزرده تدریسات دینییه بو بوک اهمیت عطف ایتدیگکزره دائر بیانات عالیه‌کزرک تحققی کورمک ایسته‌یوردق. معلوم عالی‌لیکزرده که خلک معارف مکتبلرینه محبتی مطلوب درجه‌ده دکلدر. بونک مختلف اسبابندن بری ده مکتبلرک چوجقلرینه دینلری اوکره‌مسی، تربیه دینییه نک اهل ایدیلسی در؛ آناطولی خلکنک دینلرینه نه قدر مربوط اولدقلری معلوم عالی‌لیکزرده. هر شیدن اول خلک مکتبلره قارشی رغبت و قیمتی جلب ایتک ضروریدر. خلق سوه سوه چوجق کوندرملی. مکتبه کیدن چوجقلرک دینی، دنیاسنی اوکرندیکنی کورملی. بز خلق جهالتدن قورتارمق، مملکتهمزده معارفی تعمیم ایده‌بیلیمک ایچون خلک آرزوسنی، حسیاتی نظر دفته آلمق مجبوریتنده بز. خلق معارفه ایصندیرمق ایچون المزدن کلن هر شیتی یا بقی اک متحتم وظیفه‌مزددر. بو خصوصده کوستریله‌جک قصور و یا خطالر مملکتده جهالتی ده‌ها زیاده قویولاشدیرمقدن باشقه بر نتیجه ویرمز.

بز اسکی معارفی بکنمیوردق. چونکه مکتبلرده دینی تدریساته، دینی تربیه اهمیت ویرمیوردی. بالعکس مکتبلری (لائیک - لادینی) برحاله قویمق ایسته‌یوردی. او بولده خلی کنیش آدیملر آتمشیدی. شیمدی اولری بوراده تشریح حاجت یوقدر. هر کسجه معلوم اولان بو حقیقتلر نظر عالی کیاسیلرندن البته دور قالمامشدر. بناء علیه بو کون آناطولی‌نک کوبکننده قورولان معارف مؤسسه‌سنک بوتون بو اسکی ضلالتلره نهایت ویره‌دک معارفه خلک آرزوسنی، حسیاتی تامایله تطمین ایده‌جک بر استقامت سالمه ویرمسی اک برنجی وظیفه‌سیدر. حال بوکه معلمین قونفره‌سند هر شیدن اول دین درسبلرینک آزلنی نظر دفته چارپدی. ابتدائی مکتبلری مدیریتی بومشله‌یی لایق‌له احاطه ایده‌مدیکی، ذات عالی‌لیک تدریسات و تربیه دینییه عطف ایتدیگکزر اهمیت ایجه قاورایامدینی کورولیور. رجا و تمی ایده‌رزکه هنوز پروغراملر کسب قطعیت ایتهدی. ابتدائی مدیرینک بو خطاسنی ذات عالی‌لیکزر تصحیح ایتک لطفنده بولورسکزر.

صوکره دنیایک هیچ بریرنده اولیان برغریبه دها کورنیورز :
چو جوق دها آنا دینی اوکره نمدهن فرانسیزجه به باشلایور . همده دها
ایلاک سنه سندن اعتباراً هفته ده دردر ساعت اجنبی لسانه تخصیص
اولنیور . اوروپاده مکاتب ابتدائیه سنه اجنبی لسانی صوقش بر ملت
وارمیدر ؟ بر ملت افرادینک هپسنگ اجنبی لسانی اوکر نمسی لارمیدر .
بویله شی دنیایک نرمه سنده کورلمشدر ؟ یالکز مستملکه لرده اوروبا
دولتلی کندی لسانلرینی ابتدائی مکتبلره جبراً ادخال ایتمشدر . بز
مستملکه حالنده یاشاماق ایچون مجاهده ایدوب دورنیورز . بر ملت
افرادینک عمومینک اجنبی لسانی بیلمسی ممکن دکلیا ، ممکن اولسه بیله
مضرتدن باشقه بر نتیجه ویرمن لسانک روحلر اوزرنده کی تأثیری غیر قابل
انکاردر . هم اساساً بوکا لزوم یوقدر . بر ملت آرمه سنده اجنبی لسانی
بیئلر محدود اولور . یعنی کافی مقداره اولور . بو اختصاص ایشیدر .
و محدود مقداره اولمسی ده ضروریدر . حدنصابی تجاوز ایتدیکی
تقدیرده فائده سی مضرتنه منقلب اولور . اجنیلرک کرک مستملکاتده ،
کرک دوشکون ملئر آرمه سنده کندی لسانلرینک نشر و تعمیمی ایچون
اختیار ایتدکاری فداکارلقلر لسانک نه مؤثر بر واسطه اولدینقی افهامه
کافیدر . بناء علیه ابتدائی مکتبلرده فرانسیزجه تحصیلکی کلاً قالدیرمیدر .
بوکا قطعاً لزوم یوقدر . بومضرتدن باشقه بر نتیجه ویرمن .

شیمدیلک هنریم شو بر قاج نقطه یی نظرگاه عالیلرینه عرض
ایدیورم : دها جوق سویله جک سوزلرم وارسه ده باشقه بر زمانه
تعلیق ایدیورم . باقی صمیمی حرمتلر ... ***

محترم «سبیل الرشاد» مجموعه سنه

«کنج مسلمانلر جمعیتی» اسمیله بر اسلام اوجاغی وجوده کنترلمسی
ایچون مطالعه صور دیفکزی صوک نسخه کزده او قودم . مطالعه
سردینه ، و اولسون یاخود اولماسین دیمکه بو مسأله نیکه هیچ
احتیاجی یوقدر ، بلکه ده شیمدی به قدر نیچون اولمادی دیبه تأسفره ،
خجالته لزوم واردر .

بوتون جهانه معلوم اولدینی اوزره مسلمانلق اسکی قوتی ، اسکی
عظمت و علویتنی ، اولکی وحدت و معنویاتی اعظمی درجه ده ضایع
ایتمشدر . مسلمانلر عدد و مقدارجه آرمش اوله بیلیر ، فقط ایمان
واخلاق فضائی اعتباریله معنا آزالمشدر ، یاخود بری برندن آری
دوشه زک تفریقیه وانفراده دوشمشدر . بو حال ، تا خلفای عباسیه نیک
دور اخیرندن باشلار . اولر مدینت سلامیه نیک قدر و قیمتی سیله میهرک
امر دینده مبالا تسزلق ایتدیلر .

صوکره ، عثمانلی دولتی استانبولی فتح ایله متفسخ بیزانس بقایاسنک
اختلاطندن طولانی بسیط وجدی حیات و معیشتدن سرایلرک صفا
و سفاقت عالنه - خصوصاً دور استیلای متعاقب - کیرنجه ینه عینی
فلاکت باشلادی . آرایره برد ، شیعیلک آریانی کیردی .

ایشته او وقت بو وقتدر . تدریجاً اوروپانک ودها دوغروسو
خرستیانلق عالمتک تجاوزلرندن ، اغفاللرندن ، حیله کار سیاستلریله
ظالم سلاحلرندن قورتوله مدق . چونکه ضعیف دوشدک ، چونکه
سلامتمزی تأمین ایدن مسلمانلنی قلمزده تمامیله صاقلامادق . یوقسه
دنیا ده عیجا اوندن دها بویوک عزت و رفعت ، و اوندن دها صاغلام
قوت و مکننت وارمیدر ؟

مسلمانک قلبه قوت ، وجدانه بارلاقلق و بناء علیه اخلاقه
متانت و یرم جک وسائله ، وحدته ، ارشاد و ایقظه بوکون اکمک و صو
قدر احتیاج واردر . صوسر ، اکمکسزمادی وجود ناصل یاشایه مزسه
معنویت ده اوله جه کنندینه مخصوص ذخیره سز حیات سوره سز .

حالمز معلوم و بری بریمزه خفی دکادر . دوشدیکمز فلاکتلردن
بزی قورتاره جق تک چاره ویکانه حامل مسلمانلنی صرفاتی الله ایتمکدر .
مسلمانلغک مشترک اخلاقه و مشترک وجدانه بر آن اول قاووشمقدردر .
بواشینی آمان اهمال ایتیکمز . زیرا نه وقدر تجربه ایتدک : نه عقلمز ،
نه معلوما تمز ، سحیه حالنی و بالخاصه مسلمان شیمه سی ماهیتنی بولمادق
هیچ برشیئه یارامیور ، بلکه ده بزی جاهل برمادی یا بارق ساخته شکلره
قویور . بونک اوکنی آنجق مکارم نبویه یا قلاشقم ایله آله بیله جکمز .
الله جمله مزنی خیره موفق بویورسون اقدیم . علی سعاد

انکلتره نیک وضعیت عمومی بی

جقدر . حال بوکه بومسئله غایت مهمدر . بالخاصه مسلمانلرک بو
خصوصده اساسلی و طوبلو بر فکر ایدینملری پک لازمدر . بومعظم
هیولانی اولدینی کبی بیلمک و طائیف عالم اسلام ایچون واجیدر .

انکلتره نیک احوال و وضعیت عمومی سی حقنده محترم ارقداشمزک
بزه لطف ایتدکاری ایضاحات خیلی اوزوندردر . بونی پک خلاصه
اوله رق بر مقاله به صیقیشدیرمق ممکنسه ده ایجه آکلاشیلمش اوله مایه .